



Fréttabréf Skeiða- og Gnúpverjahrepps

12. árgangur 10.tbl.

Nóvember 2015



GLEÐILEGT JÓLAHLAÐBORÐ HJÁ FOSSHÓTEL HEKLU

Fosshótel Hekla slá upp glæsilegu jólahlaðborði úr úrvals hráefni 5. desember. Gerðu þér og þínum dagamun á aðventunni með dýrindis krásum og ljúfri stemningu.

Tríóið Söngfólk úr sveitinni – Helga Kolbeinsdóttir, Ljósbrá Loftsdóttir og Brian Haroldsson skemmta matargestum. Happraetti með veglegum vinningum.

Tilboð á
gistingu með
jólahlaðborði



Tveggja manna herbergi með jólahlaðborði og morgunverði fyrir tvo á **29.900 kr.** og **20.400 kr.** fyrir einn. Aukanótt fyrir tveggja manna herbergi á **14.700 kr.** og **13.100 kr.** fyrir einstaklingsherbergi.

Bókaðu núna í síma **486 5540** eða á **fosshotel.is**

FOSSHOTEL



Opnunartími og sími skrifstofu sveitarfélagsins í Árnesi er:
mánud.—fimmtud. 09-12 og 13-15 föstudaga kl. 09:00 -12:00
486-6100 Fax: 486-6120. - skeidgnup@skeidgnup.is

Sími í áhaldahúsi 486-6118 - starfsmaður

Ari Einarsson 893-4426 ari@skeidgnup.is

Jón F. Sigurdsson - umsjónarmaður gámasvæða s. 893-7016

Skilafrestur efnis í næsta fréttabréf er 5. desember 2015.

Ritstjóri: Kristjana H. Gestsdóttir frettabref@skeidgnup.is

Ábyrgðarmaður: Kristófer A. Tómasson, sveitarstjóri.

Lestrarfélag Skeiða– og Gnúpverjahrepps Bókahúsinu, Brautarholti.



Nú eru nýjar bækur til útláns, lítið við!

Alltaf gaman, alla fimmtudaga kl. 20:00 - 22:00!

S: 486-5505 - www.bokasafn.is

Netfang: bokasafn@skeidgnup.is

<http://www.allirlesa.is>

<http://www.leitir.is>



Munið! Nýtt símanúmer á

Heilsugæslunni í Laugarási 432-2770

Opið virka daga kl. 8:30 -16:30.

Símatímar lækna virka daga kl. 9—9:30 og 13 –13:30

Neyðarsími 112 - HSu Selfossi 432-2000

Vaktsími lækna og hjúkrunarfræðinga á HSU Selfossi 1700

Lyfju– útibú í Laugarási S. 486-8655

Opið kl 10 - 16.30 alla daga nema miðvikudaga,

þá er opið 10-13.

Ath . Breyttur opnunartími!

Hundafangari sveitarfélagsins:

Ragnar Sigurjónsson sími: 859-9559.



Skeiðalaug 40 ára

Skeiðalaug var vígð 15. nóvember árið 1975 og verður því 40 ára í þessum mánuði. Á þessum tímamótum er tilefni til að skoða sögu laugarinnar í einhverri mynd, og var því leitað til afkomenda Jóns Eiríkssonar í Vorsabæ, en Jón var oddviti Skeiðahrepps í áratugi og einn aðal hvatamaður að byggingu Skeiðalaugar. Einnig var Jón áhugaljósmyndari og tók þúsundir mynda á sinni ævi. Nú hafa 116 myndir sem Jón tók á framkvæmda-tímanum verið settar á lykil sem sýna m.a. þegar verið er að mæla fyrir lauginni, frá vígsludeginum og allt þar á milli.



Í nóvember verða þessar myndir sýndar í skjávarpa, á opnunar-tímum, í Skeiðalaug, mánudaga kl.18-22, og fimmtudaga kl.18-22. Þessi kvöld verður einnig boðið upp á kaffiveitingar.

Með afmælistkveðju.

Eypór Brynjólfsson.

Umsjónarmaður Skeiðalaugar.



Hér eru myndir af framkvæmdatíma og á vígsludegi. Sr. Sigfinnur Þorleifsson blessaði mannvirknið, kirkjukórinn söng og ungt fólk tók sundsprett á þessum merkisdegi. Sjá má prest, oddvita, kirkjukórinn og aðra gesti.

Opnunartími gámasvæða vetur 2015!

Gámasvæðið við Árnes hefur verið flutt.

Stendur við E– götu vestan Suðurbrautar í Árnesi.

Opið þar:

þriðjudaga

kl. 14:00 - 16:00

laugardaga

kl. 10:00 - 12:00


Brautarholt:

miðvikudaga

kl. 14:00 - 16:00

laugardaga

kl. 13:00 - 15:00



Dýragámar opnir allan sólarhringinn á báðum stöðum!

Fatagámar **Rauða krossins** eru tveir og eru staðsettir á gámasvæðinu í Brautarholti og hjá Áhaldahúsinu við Árnes.

Jón F. Sigurdsson í Réttarholti hefur umsjón með gámasvæðunum gsm. **893-7016** eða **462-5301**.

*Skaftholt tekur áfram við garðaúrgangi og afklippum trjáa Og eins og áður er að hægt að losa þar að **degi til**, garðaúrgang og afklippum trjáa á ákveðnu svæði þar alla daga vikunnar. (Til vinstri á heimreið framan vert við gróðurhús.)*

*Einungis efni úr jurtaríkinu eiga heima á svæðinu við Skaftholt.
Sveitarstjóri.*

Basar—Basar—Basar



Basar Kvenfélags Skeiðahrepps verður haldinn þann 14. nóvember kl 14:00. Þar verður til sölu og sýnis alls konar handverk, kökur, skart og margt fleira. Hægt verður að kaupa kaffi/kakó og vöffur.



Og **TomBóla** á staðnum

Vonumst til að sjá sem flesta.

Kveðja. Nefndin.



Þakkarbréf

Eins og undanfarin ár fór 10. bekkur Flúðaskóla í skólaferðalag til Danmerkur. Við í 10. bekk viljum þakka öllum þeim sem studdu okkur í þessu verkefni og gerðu þessa ferð að veruleika. Sérstaklega þökkum við þeim fyrirtækjum sem studdu okkur, björgunarsveitinni, foreldrum sem nenntu að keyra okkur á milli bæja og íbúum fyrir að styðja okkur í verkefninu.

Einnig viljum við þakka starfsfólki Flúðaskóla og þá sérstaklega umsjónar-kennurunum okkar og dönskukennaranum, þeim Báru Sævaldsdóttur, Arna Þór Hilmarssyni og Margréti Guðmundsdóttur.

Foreldrum og kennurum sem lögðu það á sig að koma með okkur til Danmerkur viljum við einnig þakka innilega fyrir frábæra samveru og áttu þátt í því að gera þessa ferð ógleymanlega.

Ferðalagið var góð reynsla og við lærðum margt um Danmörku en auðvitað var þetta líka skemmtiferð þar sem við fórum í Tívolí, dýragarð, Bakken,

skoðuðum víkinga-skip og margt fleira. Þetta er eitthvað sem maður gerir ekki á hverjum degi og verðum við ykkur öllum ævinlega þakklát fyrir allan stuðninginn.

Nemendur
10. bekkjar



21. fundur í sveitarstjórn Skeiða-og Gnúpverjahrepps í Árnesi miðvikudaginn 4 nóvember 2015 kl. 14:00.

Mætt til fundar: Björgvin Skafti Bjarnason, Einar Bjarnason, Gunnar Örn Marteinsson, Halla Sigríður Bjarnadóttir og Meike Witt, Kristófer A. Tómasson sveitarstjóri ritaði fundargerð. Spurðist oddviti fyrir um hvort athugasemdir væru við fundarboðið. Svo reyndist ekki vera.

Dagskrá:

Mál til umfjöllunar og afgreiðslu :

1. **Fjárhagsáætlun 2016 og 2016-2019, fyrri umræða.** Sveitarstjóri lagði fram og kynnti drög að Fjárhagsáætlun fyrir Skeiða- og Gnúpverjahrepp 2016 og 2016-2019. Talsverðar umræður urðu um áætlunina, farið var yfir rekstur málaflokka. Fjárhagsáætlun vísað til síðari umræðu.
2. **Fjárhagsáætlun 2015 viðaukar.** Lagður var fram viðauki um fjárfestingaáætlun 2015. Upphafleg fjárfestingaáætlun gerði ráð fyrir fjárfestingum að fjárhæð 73,2 mkr. Viðauki hljóðar uppá að áður samþykktum fjárfestingum verði að stórum hluta frestað. Eða sem nemur 59.8 mkr. Eftir stendur fjárfestingaáætlun sem nemur 13,4 mkr útgjöldum.
3. **Tillaga að útsvarsprósentu og fasteignagjöldum.** Lögð fram og kynnt tillaga að útsvarsprósentu og fasteignagjöldum. Afgreiðslu frestað til næsta fundar.
4. **Tillaga að gjaldskrá Skeiða- og Gnúpverjahrepps 2016.** Lögð fram tillaga að gjaldskrá sveitarfélagsins fyrir árið 2016. Afgreiðslu frestað til næsta fundar.
5. **Fjárhagsmál.** Sveitarstjóri lagði fram beiðni um heimild til töku á yfirdráttarláni á veltureikningi sveitarfélagsins allt að 20.000.000 kr til 1. desember næstkomandi. Samþykkt með fjórum atkvæðum. Gunnar Örn Marteinsson sat hjá.
6. **Kosning um nafn sveitarfélagsins.**

Þann 20. október rann út frestur til að skila inn tillögum að nafni á sveitarfélagið. Alls bárust 56 gildar tillögur um átta nöfn. Eru þau eftirtalin: Eystri-byggð, Eystri – hreppur, Vörðubbyggð, Skeiða- og Gnúpverjahreppur, Þjórsárþakkar, Þjórsárbyggð, Þjórsárhreppur og Þjórsársveit. Samkvæmt áður samþykktu ferli. Samþykkt að kjósa milli áðurnefndra átta nafna, að fengnu samþykki Örnefnanefndar. Þangað hefur sveitarstjóri þegar sent erindi þess efnis. Þegar niðurstaða Örnefnanefndar liggur fyrir verður listi með þeim nöfnum sem samþykkt verða, afhent kjörstjórn sveitarfélagsins og henni falið að undirbúa kosningu milli þeirra. Samþykkt samhljóða að halda opinn kynningarfund um kosningaferlið sem fyrst eftir að niðurstaða Örnefnanefndar liggur fyrir.

7. **Brunavarnaráætlun Brunavarna Árnessýslu.** Lögð fram og kynnt. Brunavarnaráætlun til og með árinu 2019 er nær yfir allt starfssvæði Brunavarna Árnessýslu, en það er öll Árnessýsla. Sveitarstjórn samþykkir samhljóða að vísa áætluninni til yfirlestrar hjá varðstjóra Brunavarna Árnessýslu í Skeiða- og Gnúpverjahreppi.
8. **Skipulagsstofnun, beiðni um umsögn.** Lögð var fram beiðni um umsögn um mat á umhverfisáhrifum af fyrirhugðum vindlundi á Hafinu innan við Búrfell, er Landsvirkjun hyggst reisa með allmörgum vindmyllum. Beiðni undirrituð af Sigurði Ásbjörnssyni. Frummatsskýrsla um mat á umhverfisáhrifum var meðfylgjandi erindinu. Sveitarstjórn samþykkir samhljóða að gera ekki athugasemd við fyrir hugaðar framkvæmdir á þessu stigi, en áskilur sér rétt til að gera athugasemdir á síðari stigum.
9. **Erindi frá starfsmönnum Þjósárskóla vegna sundlauga.** Lagt var fram bréf dags. 28.10.2015 undirritað af starfsmönnum Þjósárskóla, þar sem óskað er eftir því að sveitarstjórn endurskoði og gefi skýringar á fyrirhugaðri lokun Neslaugar frá 01.12.2015-19. mars 2016. Sveitarstjórn telur að fyrirhuguð tímabundin lokun Neslaugar stangist ekki á við almenna heilsueflingu. Ástæður fyrirhugaðrar lokunar eru hagræðing í rekstri sveitarfélagsins
10. **Erindi frá Eftirlitsnefnd um fjármál sveitarfélaga.** Lagt var fram erindi frá Eftirlitsnefnd með fjármálum sveitarfélaga. Dags. 09. október 2015. Undirritað af Þóri Ólafssyni og Eiríki Benónýssyni. Sveitarstjóri lagði fram drög að svarbréfi og var honum falið að svara erindinu.
11. **Jafnréttisstofa beiðni um jafnréttisáætlun.** Erindi undirritað af Ingibjörgu Elíasdóttur. Samþykkt samhljóða að vísa til Velferðar- og Jafnréttisnefndar að hún endurskoði þá jafnréttisáætlun sem verið hefur í gildi og verði hún lögð fyrir sveitarstjórn að því loknu.
12. **Íbúðalánasjóður, erindi.** Lagt fram og kynnt erindi undirritað af Hermanni Jónassyni forstjóra sjóðsins, þar sem eignir sjóðsins í Skeiða- og Gnúpverjahreppi eru boðnar til sölu.
13. **Landsspilda og hús Réttarholt, erindi.** Sveitarstjóri greindi frá því að eigandi landspildu og húss í landi Réttarholts bjóði sveitarfélaginu þá eign til kaups. Erindi hafnað.

Beiðnir um stuðning:

14. **Afréttarmálafélag Flóa- og Skeiða, erindi.** Erindi lagt fyrir undirritað af Ara Thorarensen formanni félagsins, óskað eftir framlagi til endurbóta Reykjarétta og

girðinga. Afgreiðslu máls frestað.

15. **Hólaskógarkofinn 80 ára.** Erindi frá Benedikt Sigurðssyni.

Þar er bent á að lagfæra þurfi kofann í Hólaskógi og bæta þurfi merkingar á ferðamannastöðum í sveitarfélaginu. Sveitarstjórn þakkar Benedikt framkomið erindi.

16. **Stígamót, beiðni um stuðning.** Beiðni undirrituð af Guðrúnu Jónsdóttur.

Samþykkt að veita Stígamótum 50.000 kr styrk.

Fundargerðir :

17. **Fundargerð 98 fundar Skipulagsnefndar.** Mál nr. 20 þarfnast umfjöllunar. 20.

mál Hraunvellir – Ólafsvellir. Aðalskipulagsbreyting 1508074.

Sveitarstjórn gerir ekki athugasemd við afgreiðslu Skipulagsnefndar og samþykkir að tillagan verði kynnt samkvæmt 2. Mkr 30 gr Skipulagslaga nr. 123/2010.

18. **Fundargerð stjórnar BS Skipulags- og byggingarfltr.** Fundargerð lögð fram og staðfest.

19. **Stofnasamningur BS. Héraðsnefndar Árnesinga.** Sveitarstjórn samþykkir samninginn og felur sveitarstjóra að undirrita samninginn fyrir hönd sveitarfélagsins.

20. **Fundargerð 8. fundar Umhverfisnefndar.** Fundargerð lögð fram og kynnt.

Sveitarstjórn tekur undir með Umhverfisnefnd að skýrari verklagsreglum milli sveitarstjórnar og nefnda á vegum sveitarfélagsins þurfi að vera skýrari.

Varðandi fundargerð Umhverfisnefndar lið 1. Tekur sveitarstjórn undir með nefndinni að mál sem þessi þurfi að koma til umfjöllunar hjá Umhverfisnefnd. Sveitarstjórn samþykkir að oddviti og sveitarstjórnar leggi fram tillögur um verklagsreglur milli nefnda og sveitarstjórnar.

21. **Fundargerð 1. fundar Velferðar- og jafnréttisnefndar.** Fundargerð lögð fram og kynnt.

22. **Fundargerð Skóla- og Velferðarnefndar Árnesþings.** Fundargerð lögð fram og kynnt.

23. **Fundargerð Skólanefndar Flúðaskóla.** Fundargerð lögð fram og kynnt.

Umsagnarbeiðni :

24. **Hestakráin, beiðni um umsögn um endurnýjun rekstrarleyfis.** Lögð fram beiðni

frá Sýslumanninum á Suðurlandi undirrituð af Agli Benediktssyni þar sem óskað er eftir umsögn um endurnýjun rekstrarleyfis til reksturs gisti- og veitingastaðarins

Hestakráin Húsatóftum 2a. Sveitarstjórn samþykkir samhljóða fyrir sitt leyti endurnýjun áður nefnds rekstrarleyfis.

Önnur mál:

25. **Mæting á nefndafundi.** Af gefnu tilefni leggur sveitarstjórn áherslu á að nefndarmenn boði varamenn í tæka tíð, ef til forfalla kemur.
26. **Frumvarp til laga. Þingskjal 237-225.** Mál. Um breytingar á skipulagslögum nr. 123/2010. Grenndarkynning. Sveitarstjórn telur að 2 grein frumvarpsins orki tvímælis.

Mál til kynningar :

- A. Ársskýrsla Tónlistarskóla Árnessýslu
- B. Afgreiðslur Byggingafulltrúa frá 30.09.2015
- C. Afgreiðslur Byggingafulltrúa frá 15.10.2015
- D. Dagur leikskólans
- E. Ungt fólk Skýrsla Menntamálaráðuneyti.
- F. HES 167. Stjórnarfundur.
- G. Hestamannafélagið Smári, skýrsla um ungliðastarf.
- H. Tilkynning um niðurfellingu af vegaskrá.
- I. Þjóðveldisbær, ársreikningur 2014.
- J. Almannaþingarnefnd 22. Fundur.
- K. Þingskjal 237. Breyting á skipulagslögum.
- L. Umferðaröryggi og ástand gróðurs.
- M. SASS 498. Stjórnarfundur
- N. Dagur Íslenskrar tungu.
- O. Minnisþing: Samráðsfundur Vegagerðarinnar. 06.10.2015
- P. Framlög úr Jöfnunarsjóði. jan-sept 2015
- Q. Þingskjal Bráðaþingir í húsnæðismálum.
- R. Fundargerð Samtaka orkusveitarfélaga.

Fundi slitið kl 18:05.

Næsti fundur ákveðinn miðvikudaginn 2. desember næstkomandi.

Athugasemd við bókun á sveitarstjórnarfundi 20. Sept. 2015

Sunnudaginn 20. sept sl. var boðaður aukafundur í sveitarstjórn Skeiða og Gnúp-verjahrepps, fundarefnið var umsögn til Skipulagsstofnunar vegna endurskoðunar á umhverfismati Hvammsvirkjunar.

Það er ekki hægt að láta hjá líða að gera nokkrar athugasemdir við bókun Gunnars Arnars Marteinssonar og Höllu Sigríðar Bjarnadóttur. Eins og allir vita var unnið umhverfismat fyrir Núpsvirkjun árið 2001-2002 og samþykkt í ágúst 2003, ekki var gert mat fyrir Hvammsvirkjun eina sér og má líta þannig á að hvorki sé mat til fyrir Hvammsvirkjun né Holtavirkjun. Kveðið er á í lögum Skipulagsstofnunar að ef umhverfismat sé eldra en 10 ára beri að endurskoða það að hluta, eða allt eftir umfangi framkvæmdar. Nú er sú staðreynd uppi á borðinu að matið er komið vel yfir tólf árin síðan það var samþykkt og spurning hvort þeir sveitarstjórnarmenn eru meðvirkir í að brjóta landslög með því að gera ekki athugasemdir við að endurupptaka sé nauðsynleg. Vissulega kom út skýrsla gerð af Verkfræðistofunni Eflu. Sjálfur las ég hana og því miður gef ég lítið fyrir hana vegna þess er hún að mínu áliti nokkuð forskrifuð af framkvæmdaraðila virkjana. Í greinargerð Gunnars og Höllu kemur fram og þau kveinka sér mjög yfir því að það sé varla hægt að lesa allt það efni sem þarf fyrir þau laun sem greidd eru, það er kannski spurning hvað þau geta lesið meira ef greidd væru hærri laun fyrir setu í sveitarstjórn? Að mínu mati snýst þetta frekar um vilja og sjálfstæða hugsun og gagnrýni, fremur en hærri laun þetta eiga Gunnar og Halla að vita.

Frá því að umhverfismatið var samþykkt árið 2003 hefur ferðamannafjöldinn aukist margfalt og stefnir í enn frekari fjölgun næstu árin, lítið er gert úr þessu í skýrslu Eflu en talið mjög jákvætt að það komi ný brú yfir Þjórsá, sem allir geta verið sammála um og getur verið góð viðbót í ferðaþjónustu á þessu svæði, en hitt er ámælisvert að tengja gerð brúar yfir Þjórsá sem löngu er tímabær framkvæmd við virkjanir sem tálbeitu fyrir jákvæða umræðu virkjunarframkvæmdar, eins og allir vita eiga svona framkvæmdir að koma af vegaáætlun Vegagerðarinnar en ekki frá Landsvirkjun.

Um fiskikafla skýrslunnar er ég sem formaður Veidifélags Þjórsár hneykslaður hvernig öllu er hægt að snúa á hvolf, Landsvirkjun hefur haldið því fram að laxinn fyrir ofan Búða sé nánast manngerður vegna þess að sá fiskur sem gengur um manngerða framkvæmd sé ekki merkilegur og hann skipti ekki svo miklu máli. En frá því að stiginn var tekinn í notkun hefur fiskur (lax, urriði og sjóbirtingur) gengið um allt vatnasvæði Þjórsár að Þjófafossi og Hjálparfossi og finnast hrygn-ingarsvæði á öllu svæðinu ofan Búða og er talið vera um 48% allra búsvæða Þjórsár, þetta er sami fiskur og gengið hefur á vatnasvæði Þjórsár um aldir, þetta

á Gunnar að vita sem fyrrverandi stjórnarmaður í Veiðifélagi Þjórsár. Að tala um mótvægisáðgerðir eru orðin tóm, því ekki hefur mér sem formanni Veiðifélags Þjórsár verið kynntar neinar tillögur um mótvægisáðgerðir en eins og oft hefur verið sagt ef lygin er sögð sjö sinnum þá er hún orðin sannleikur.

Um greiðslur til hlutaðeigandi landeigenda verða hver og einn að svara fyrir sig en að örfáir landeigendur sem fengið hafa einhverjar greiðslur fyrir hugsanlegt tjón af völdum fyrirhugaðra framkvæmda geta það aldrei verið ráðandi öfl fyrir alla íbúa sveitarfélagsins og ber kjörnum sveitarstjórnarmönnum að hafa sjónarmið allra að leiðarljósi, hvort sem menn fá næg laun fyrir eða ekki.

Þótt einhverjir íbúar hafi samið um greiðslur fyrir hugsanlegt tjón og eða afnot á landi sínu segir það ekkert til um sátt í þessu stóra máli í litlu sveitarfélagi. Vona ég að þeir ferðamenn sem heimsækja ferðaþjónustuaðila í Skeiða og Gnúpverjahrepp spyri frekar hvað sé stutt í ósnortna náttúru, frekar en hvað er stutt í næstu virkjun.

Með bestu kveðju. Oddur Guðni Bjarnason. Stöðulfelli.

Athugasemd við bókun frá Gunnari Erni Marteinssyni og

Höllu Sigríði Bjarnadóttir um Hvammsvirkjun í síðasta Fréttabréfi.

Þar kemur fram að landeigendur hafi samið við Landsvirkjun árið 2007 (samningar voru líklega gerðir 2007 og 2008) um landbætur og væru þess vegna alveg í skýjunum yfir þessari framkvæmd. Nú tala ég bara fyrir mig. Tveir kostir voru í boði annar að semja og hinn að landið yrði tekið eignanámi. Hvorugur kosturinn góður. Þar sem allir landeigendur ætluðu að semja, fannst mér að það yrði ég að gera líka til að losna við eignanám sem mér var sagt að væri enn verri kostur. En að fullyrða það í bókuninni að allir hljóti að vera sáttir við framkvæmdina hafa þau Halla Sigga og Gunnar ekkert leyfi til að segja. Ég hef margoft sagt það opinberlega að ég væri ósátt með þessa virkjun en af því að Landsvirkjun er búin að rétta nokkra þúsundkalla áttu bara að þegja og vera glöð með þetta. Ég vil benda á að sveitafélagið fær engar tekjur af þessari virkjun, kannski rétt á meðan á framkvæmdum stendur en engin fasteignagjöld því öll mannvirki verða fyrir austan Þjórsá. Það er jú búið að leggja inn margvíslegt “mútufé” til sveitafélagsins til að hafa alla góða. Nákvæmt yfirlit yfir þær greiðslur hefur ekki verið sýnt almenningi. Við sitjum uppi með stórt jökullón sem kaffærir tún og lönd bænda og skemmir útsýni. Fallega á, sem rennur í ósnortnu landslagi. Ferðaþjónusta er vaxandi, og það sem er gullsígildi er ósnortin náttúra.

Með bestu kveðjum.

Sigrún Bjarnadóttir. Fossnesi.



Nafn sveitarfélagsins verður valið senn.



Átta tillögur bárust um nýtt nafn á sveitarfélagið.

Í stafrófsröð eru tillögurnar eftirtaldar: Eystribyggð, Eystrihreppur, Skeiða- og Gnúpverjahreppur, Vörðubbyggð, Þjósárbakkar, Þjósárbyggð, Þjósárhreppur og Þjósársveit. Erindi hefur verið sent til Örnefnanefndar þar sem leitað er um-sagnar og samþykki fyrir nöfnunum. Svör eru væntanleg þaðan seinnipart mánaðarins.

Alls voru það 56 einstaklingar sem skiluðu inn tillögu og dreifðust þær misjafnlega milli nafnanna. Til þess getur komið að nærliggjandi sveitarfélög þurfi að veita umsögn um sum nafnanna. Stefnt er að því að kosning milli þeirra nafna sem samþykkt fá frá Örnefnanefnd fari fram snemma í desember, ef ekki verða tafir á ferlinu.

Dagsetning verður tilkynnt er nær dregur. Eins og áður hefur komið fram mun verða kosið öðru sinni ef ekkert þeirra nafna sem kosið verður um nær 50 % stuðningi æi einni kosningu.



Sveitarstjórn hefur ákveðið að halda kynningarfund um kosninguna mánudaginn 30. nóvember kl. 20:30 í Árnesi.

Það hefur ekki farið framhjá undirrituðum að áhugi fyrir nafna-kosningunni er verulegur. Það á bæði við um íbúa sveitarfélagsins sem aðra. Það á við um þá sem vilja halda í núverandi nafn og þá sem vilja breytingu.

Kristófer Tómasson sveitarstjóri

Kvenfélag Gnúpverja er með til sölu kærleiksenglana fyrir árið 2016.

Allur ágóði af sölunni rennur til Sjúkrahúss Suðurlands.

Á síðasta ári hóf Samband sunnlenskra kvenna framleiðslu á englum til styrktar sjúkrahússins.

Einn engill er gefin út á hverju ári og er hönnuður þetta árið Þórunn Sigurðardóttir.

Englarnir eru tilvaldir í ýmsar tækifærisgjafir og kostar stykkið 3.300 kr.

Þeir eru til sölu hjá:

Bryndísi Baldursdóttur sími: 869-1112 og

Sigrúnu Símonardóttur sími 893-6084



HRUNAPRESTAKALL

Kæru sveitungar.

Fréttir úr prestakallinu og helstu viðburðir framundan eru tíundaðir hér að neðan.



Sem fyrr verður hægt að kveikja á rafljósum í kirkjugörðum

prestakallsins nú á aðventunni. Til að standa straum af kostnaði vegna rafmagnsnotkunar ofl. hafa sóknarnefndir prestakallsins ákveðið að setja upp 1000 kr. gjald fyrir hvern leiðiskross sem tengdur er við rafmagn.

Er fólk beðið um að leggja upphæðina inn á reikning viðkomandi kirkjugarðs.

Stóri-Núpur: 0152-05-264429 kt. 491098-3339

Ólafsvellir: 0152-15-371512 kt. 490269-3399

Hruni: 0325-26-18952 kt. 640169-2229

Hrepphólar: 035-26-9068 kt. 640169-3039

Á fyrsta sunnudegi í aðventu, 29. nóvember nk., verður haldin afmælishátíð vegna 150 ára afmælis Hrunakirkju. Hátíðin hefst með messu í Hrunakirkju kl. 14. Þar mun kirkjukórinn syngja og m.a. frumflytja sálm sem ortur var í tilefni tímamótanna. Nýr altarisdúkur, sem sérstaklega var saumaður í tilefni afmælisins verður formlega tekin í notkun. Biskup Íslands, frú Agnes M. Sigurðardóttir, prédikar. Að messu lokinni býður sóknarnefnd Hrunasóknar öllum viðstöddum til veglegrar afmælisdagskrár og kaffisamsætis í Félagsheimili Hrunamanna á Flúðum.

Árlegt aðventukvöld verður haldið í Félagsheimilinu í Brautarholti á fyrsta sunnudegi í aðventu, **29. nóvember nk. kl. 20.** Sem fyrr munu nemendur úr Þjórsárskóla setja sterkan svip á samkomuna með leik og söng en auk þess munu fermingarbörn sýna helgileik. Þá mun sóknarprestur flytja jólahugveikju, kirkjukórinn syngja undir stjórn Þorbjargar Jóhannsdóttur en einnig munu Tvennir tímar, sönghópur eldri borgara í uppsveitunum, stíga á stokk.

Aðventukvöld í Hrepphólakirkju verður mánudagskvöldið 7. nóvember kl. 20:30. Þar mun kirkjukórinn syngja aðventu- og jólalög undir stjórn Stefáns Þorleifssonar. **Ræðumaður verður Lýður Árnason, héraðslæknir.** Molasopi á eftir í safnaðarheimili.

Fermingarstörfin hófust í byrjun október en fræðslustundir fara fram á mánudögum og að auki hafa fermingarbörn tekið virkan þátt í helgiöldunni. Seinnipartinn í nóvember og fram í desember kíki ég vikulega í heimsókn í leikskólana og samhliða þeim heimsóknum hef ég viðkomu á Blesastöðum og á þar helgistund og samveru með heimilisfólki. Að lokum minni ég á heimasíðu prestakallsins, hruni.is, en þar má nálgast helstu upplýsingar um kirkjustarfið. Sjáumst í kirkjunni!

Óskar Hafsteinn Óskarsson
sóknarprestur

Takk fyrir dósirnar

Kæru sveitingar. Við félagarnir viljum þakka ykkur fyrir stuðninginn vegna Danmerkurferðar okkar með Flúðaskóla haustið 2016. Eftir áramótin munum við svo aftur fara í dósaleiðangur og létta á geymsluplássinu eftir hátíðarnar hjá þeim sem vilja.

Kær kveðja,

Bergsveinn Vilhjálmur Ásmundsson Norðurgarði
Einar Ágúst Ingvarsson Fjalli
Einar Kári Sigurðsson Öxl

Aðalfundur Fjárræktarfélags Gnúpverja

Fundur haldinn þriðjudaginn **17. nóvember kl 20.30**

í **Háholti**. Almenn fundastörf og verðlaunaafhendingar.

Allir áhugamenn um sauðfjárspjall
velkomnir ☺
Stjórnin



Vetraropnunin 2015 -2016

Opið daglega frá kl. 11:00 - 21:00

Krafturinn úr náttúrunni hjálpar þér að ná jafnvægi!

<http://www.fontana.is>

LAUGARVATN
fontana
Heilsulind frá landnámi



Sárabót –fyrir alla– í nýjum umbúðum!

Nú er sárabót komin í nýjar umbúðir. Ný lína fyrir menn og önnur fyrir skepnur. Einnig komin á markað leðurfeiti úr minkafitu, góð fyrir hnakka og skó. Höfum þessa góðu vöru alltaf til sölu.

Katrín og Stefán, Ásaskóla. S: 4866047- 8986047-8658776.



SKINN OG SKART.

Nýjung í nóvember.

Hef til sölu minkaskinnshúfur og trefla. Einnig handprjónaðar barnahúfur úr soðinni ull. Svo er skartið að sjálfsögðu upplagt í jólagjafir. Hafið samband í síma 4866047 eða 8986047

Katrín,
Ásaskóla.



Fótaaðgerðastofan á Heimalandi, Flúðum

Hef opnað fótaaðgerðastofu á Heimalandi sem verður opin á miðvikudögum, einnig verður hægt að fá aðra tíma eftir samkomulagi. Allir eru hjartanlega velkomnir, vonandi getið þið notfært ykkur þessa þjónustu.



Tímamantanir í síma 863-0433.

Sólveig Jóhannsdóttir, löggildur fótaaðgerðarfræðingur.

Þjónusta vegna ljósleiðarans!

Sigvaldi K. Jónsson s. 863-4111 og Jón Hákonarson hafa umsjón með nýtengingum og línubókhalði Fjarskiptafélags Skeiða-og Gnúpverjahrepps vegna ljósleiðarans.

Hafið samband við þá. skj@internet.is - Sigvaldi K Jóns. og nonniasum@gmail.com -Jón Hákonarson




Þjórsárskóli

Skeiða- og Gnúpvjarhreppi

Stærðfræðihringekja

Á miðvikudögum eru 1. til 4. bekkur saman í stærðfræði og vinna nemendur þá í blönduðum hópum saman á stöðvum.

Stöðvunum er ætlað að þjálfa margvíslega færni tengda stærðfræðinni auðvitað. Hér á myndunum er hægt að sjá „keilu“ þar sem nemendur hugsa út í frádrátt og samlagningu, „Numicon gjafapappír“ þar sem nemendur búa til gjafapappír og telja með Numicon kubbum og formum fjölda hvers myndefnis og að lokum má sjá stöð þar sem að nemendur leiðbeina þeim á mótí um hvernig mynd eigi að gera úr formum.



Umhverfisþing

Föstudaginn 9 október var haldið umhverfisþing á Grand Hotel í Reykjavík. Okkur í Þjórsárskóla var boðið að koma með tvo nemendur til að kynna vistheimtverkefni skólans. Það voru Kristín Huld Stefánsdóttir og

Haukur Arnarsson sem héldu á þingið ásamt umsjónarkennara sínum. Hvolsskóli og Grunnskólinn á Hellu voru einnig með kynningu á samsvarandi verkefni en þeir skólar eru einnig Grænfánaskólar. Eftir kynninguna hittu nemendurnir umhverfisráðherrann okkar hana Sigrúnu Magnúsdóttur. Þeim var hrósað mikið fyrir hversu vel þau hefðu flutt kynninguna og einnig fyrir þrúða framkomu.

Erum við í skólanum mjög stolt af þeim. Hér er linkur á kynningu þeirra:

<http://streymi.nyherji.is/Mediasite/Play/918ebf2e875d468c87a1c7a872b718c11d>

Nemendur í 5.6. og 7. Bekk hafa nú lagt út tilraunareiti í tvö ár í röð þar sem mismunandi landgræðslu- eða vistheimtaraðgerðir eru prófaðar. Bandaríska sendiráðið styrkir verkefnið sem felur í sér fræðslu og þekkingarsköpun meðal nemenda, kennara og nærsamfélags skólanna, þar sem áhersla er lögð á þátttöku nemenda í rannsóknum og



vistheimtaraðgerðum (endurheimt lands) auk þess sem það eflir getu Grænfánaskóla til að takast á við flóknari umhverfismál. Verkefnið er hið eina sinnar tegundar á þessu skólastigi sem vitað er um í heiminum, en það er unnið í samstarfi við Landgræðslu ríkisins og grunnskólana á Hellu, Hvolsvelli og Þjórsárskóla.

Kartöflur

Nemendur í 7. bekk setja niður kartöflur á vorin og er eitt af haustverkefnum þeirra að taka þær upp. Við notum moltuna úr tunnunni okkar við ræktunina og uppskeran er síðan nýtt í mótuneytinu hjá Stínu.



BLEIKUR DAGUR FÖSTUDAGINN 16. október

Október er mánuður Bleiku slaufunnar, árvekni- og fjáröflunarátaks Krabbameinsfélags Íslands gegn krabbameini hjá konum. Af því tilefni eru landsmenn hvattir til að klæðast einhverju bleiku þennan dag. Við í Þjórsárskóla sýndum samstöðu og tókum þátt í þessum degi.



Krakkafrjálsar á Laugarvatni

Hið árlega krakkafrjálsar—íþróttamót fyrir 1.-4.bekk var haldið á Laugarvatni mánudaginn 19.október.

Krakkafrjálsar snúast aðallega um að krakkarnir komi saman, vinni sem lið og hafi gaman af því að spreyta sig í greinum þar sem reynir á grunnþætti hreyfingar s.s. stökk, köst og hlaup af mismunandi toga. Það er svo íþrótafræðinemar við HÍ sem skipuleggja mótið. Við í Þjórarskóla sendum 3 lið á mótið. Hvert lið valdi sér nafn og hétu hóparnir Blár Ópal, Íkornastjörnur og Meistara-stjörnur. Þau stóðu sig öll vel. Blár Ópal sigraði krakkafrjálsíþróttamótið þetta árið - þau urðu stigahæsta liðið og erum við mjög stolt og ánægð með árangurinn.

Áfram Þjórarskóli ☺



Skáld í skólum – Bókmenntadagskrá í grunnskóla

1.-4. bekkur fór þriðjudaginn 20. október á Skáld í skólum, sem haldið var sameiginlega

fyrir nemendur í Þjórarskóla og Flúðaskóla.

Dagskráin bar heitið:

„Að laumast til að lesa

– Hetjusögur af

höfundum!“

Kristjana Friðbjörns-

dóttir og Ævar Þór

Benediktsson sáu um

dagskránna og sögðu á

skemmtilegan hátt frá

bókum sem þau lásu í

æsku og hvernig þær

hafa áhrif á skrif þeirra

í dag. Höfundarnir áttu auðvelt með að fanga áhuga og athygli nemenda sem voru skólanum sínum til mikils sóma.



Jól í skókassa

Árlega tökum við þátt í verkefninu Jól í skókassa. Það er hluti okkar í verkefninu um sjálfbærni. „Jól í skókassa“ er alþjóðlegt verkefni sem felst í því að fá börn og fullorðna til þess að gleðja börn sem búa við fátækt, sjúkdóma og erfðleika með því að gefa þeim gjafir. Skókassarnir verða sendir til Úkraínu. Allur skólinn tekur þátt og góðar umræður spunnust í kringum þessa vinnu um kærleika og hjálpssemi.



Skógarferð í nóvember

Mánudaginn 2. nóvember fórum við í skóginn og unnum verk-efni á aldurskiptum stöðvum.

Yngri nemendur fóru á myndlistarstöð, þar sem þeir gerðu listaverk með efnivið úr náttúrunni, unnu með flettiljóð og fóru í vísbendingaleik.

Eldri nemendur fræddust um ljóstillífun og hvers vegna laufin breyta um lit á haustin. Að því loknu settu nemendur ljóstillífun og lauffall á svið og fóru þar á kostum. Þá ortu þeir haustljóð, gerðu listaverk úr efni úr náttúrunni og notuðu skilningarvitin til að upplifa náttúruna.

Blöðrubátasund

Þriðjudaginn 10. nóvember fékk 4. bekkur tækifæri til þess að prufusigla blöðrubáta sína sem þau hafa verið að

smíða í haust. Það voru því margir glæsilegir bátar sem svömluðu í Neslaug í morgunsárið.



Kærar kveðjur frá skólanum.

Framkvæmdum í Stóra-Núpskirkjugarði lokið.

17. nóvember 2014



24. nóvember 2014



14. október 2015



10. nóvember 2015



Framkvæmdum við jarðvegskipti í Stóra-Núpskirkjugarði er nú lokið. Skipt var um ca 1700 m³ af jarðvegi og tyrft að nýju. Einnig var bætt við drenlögnum og eldra dren endurbætt. Telur sóknarnefnd að ekki verði betur gert. Þeir sem munu hvíla þar þurfa ekki að óttast vatnsaga og þarna er gott skjól að mati nefndarinnar. Núpsverk sá um framkvæmdir og var unnið náíð með sóknarnefnd. Sóknarnefnd vill þakka öllum sem komu að þessu verki og vonast til að málinu sé lokið þó svo að í fyrstu verði fylgst með árangrinum.

Næg eru verkefnin önnur, en næsti áfangi við lagfæringu á kirkjunni liggur fyrir sem sé málning og viðgerð á timburverki hennar eins og áður hefur verið greint frá. Starfsmaður garðsins mun að venju annast uppsetningu rafmagnskassa í garðinum og inni í anddyri kirkjunnar verða miðar með reikningsnúmeri garðsins fyrir ljósagjaldinu 1000,- kr Með bestu kveðjum og ósk um gleðilega aðventu. Fyrir hönd sóknarnefndarinnar. Kristjana H. Gestsdóttir.

Kynningarfundur um nafn!



Kynningarfundur verður haldinn um nýtt nafn á sveitarfélagið þann 30. nóvember í Félagsheimilinu Árnesi kl. 20:30. Nú er ljóst að kjósa skal um nafn og gilda sömu lög um þær kosningar og sveitarstjórnarkosningar.

Allir velkomnir.
Sveitarstjóri.



Jólatónleikar í Skálholtskirkju 11. desember



Hátíðlegir tónleikar verða haldnir í Skálholti

11. desember kl. 20:30 þar koma fram meðal annars; Sameiginlegur kór Stóra-Núps og Ólafsvallakirkna, Söngkór Miðdalskirkju og Skálholtskórinn.

Einsöngvarar: Egill Árni Pálsson, Ásgeir Páll Ásgeirsson og Þóra Gylfadóttir, einnig leika Jóhann Stefánsson á trompet og Matthías Nardeau á óbó.

Organistar og kórstjórar eru Jón Bjarnason og Þorbjörg Jóhannsdóttir.

Fróðleiksmolinn.

Fróðleiksmolinn er um gamlan íbúa sem er löngu fallinn frá, en það er Valentínus Albert Jónsson (Valli) síðast kenndur við Réttarholt og áður Skaftholt. Hann var fæddur 04. nóvember 1904 og kom úr Reykjavík. Var m.a. vinnumaður í Ásum, og á Stóra-Núpi. Hann keypti landnámsjörðina Skaftholt til helminga með Magnúsi Sigurðssyni af Halldóri Benjamínssyni er bjó þar. Valli var fjárbóndi og átti um 250-300 fjár. Hann hafði tvö fjárhús. Annað húsið er horfið en stóð innan við „Skeljhól“ austan við Leiti við Skaftholtsfjall en hitt er í Réttarholti og þar innréttaði hann sér íbúð sem hann bjó í. Valli gaf 10 hektara lands úr jörð sinni undir Félagsheimilið Árnes. Hann eignaðist einn son. Umhverfisnefnd hefur lagt fram tillögu um að nefna lund einn lítinn við félagsheimilið eftir honum. Valli var alltaf glaður í sinni og hafði gaman að börum og sagði þeim margar sögur. Hann lést 14. maí 1988 og hvílir í Stóra-Núpskirkjugarði.

Hér brosir
Valli 1957 í
Skaftholtsréttum



Þakkir fyrir ánægjulegt samstarf.

Margrét Steinþórsdóttir (Magga) í Háholti lýkur formlega störfum hjá Skeiða og Gnúpverjahreppi þann 16. nóvember, og sest þá í helgan stein, sem kallað er, eftir afar farsælt starf í þrjátíu og fjögur ár.

Kveður nú sá starfsmaður sem lengstan starfsaldur hefur hér hjá sveitarfélaginu. Magga hóf störf þann 19. febrúar 1981 sem fóstura í nýstofnuðum leikskóla sem hafði fengið nafnið „Ólátagarður“ og var til húsa í Félagsheimilinu Árnesi, nánar til tekið í því herbergi sem sveitarstjórn notar nú til fundahalda. Á þeim tíma var ekki sjálfgefið að fá fullmenntað fagfólk til þessara starfa en sveitarfélagið var lánsamt því tvær aðrar fóstrur, þær Sigrún Björk Björnsdóttur, Bólstað og Sigríður Einarsdóttir í Búrfelli hófu einnig störf þá í leikskólanum en vistuð voru 23 börn. Þó nokkrum sinnum varð að flytja starfsemina til, eins og t.d. í Ásaskóla, Nónstein, Bugðugerði 1 og síðast í Brautarholt.

Magga hefur þó mun lengur verið í nálægð stjórnsýslu sveitarfélagsins en árin sem hún starfaði hjá því. Fæðingarár hennar var faðir hennar, Steinþór Gestsson á Hæli, kosinn oddviti í hreppsnefnd og á þeim tíma og lengi vel eftir það voru allir hreppsnefndarfundir haldnir á heimili oddvita. Og síðar varð maður hennar oddviti.

Um leið og Margréti Steinþórsdóttur er þökkuð vel unnin störf í þágu sveitarfélagsins og góð samvera öll þrjátíu og fjögur árin leyfum við nokkrum myndum að tala sínu máli og finnst okkur um það enginn vafi að Magga valdi sér rétta ævistarfið og óskum við henni alls hins besta í framtíðinni.

Skrifað að beiðni
sveitarstjórnar og fyrir hönd
okkar allra.

Kristjana H. Gestsdóttir.

Hver man ekki eftir búningaleiknum?
Finnur Torfi og Magga í Ásaskóla 1991.





< Fjöruferð
að Stokkseyri 1996.


Útskriftarnemendur 1997 í >
„hesthúsinu“ í Ásaskóla að þakka
Vilborgu, Möggu og Sigrúnu
fyrir sig.



Söngstund í Nónsteini
1999.

Öskudagur í Brautarholti 2003.
Hér er öruggt skjól. ☺
Jónas Ásólfur og Magga.
Helga í Vorsabæ situr hjá þeim.






VÖRÐUKÓRINN

20 ára afmælistónleikar


21. nóvember kl. 20.30

Félagsheimilinu á Flúðum.



Stjórnandi: Eyrún Jónasdóttir

Undirleikari: Jón Bjarnason



Á efnisskránni er úrval laga frá þessu
20 ára tímabili sem kórfélagar hafa
sjálfir valið.


„Óskalög Vörðukórsins.”



Að auki einsöngur og tvísöngur.
Léttar veitingar að loknum tónleikum.



Miðaverð: 3000 krónur.



Helgihaldið á haustmisseri 2015 og um áramót.



28. nóv. (lau.): **Helgistund** í Hrepphólakirkju kl. 15.
Kveikt á ljósum í kirkjugarði.
29. nóv.: **Hátíðarmessa í Hrunakirkju kl. 14 í tilefni 150 ára afmælis kirkjunnar** og **aðventukvöld** í félagsheimilinu í Brautarholti kl. 20.
7. des. (mán.): **Aðventukvöld** í Hrepphólakirkju kl. 20:30.
24. des.: **Guðsþjónusta** á aðfangadagskvöld í Stóra-Núpskirkju kl. 23.
25. des.: **Hátíðarmessur**. Hrunakirkja kl. 11 og Ólafsvallakirkja kl. 14.
Ljósaguðsþjónusta á jóladagskvöld í Hrepphólakirkju kl. 22.
Kirkjan lýst upp með kertaljósum.
31. des.: **Guðsþjónusta** á gamlársdag í Tungufellskirkju kl. 15.
Aftansöngur í Stóra-Núpskirkju kl. 16:30.
3. jan.: **Nýársmessa** í Hrepphólakirkju kl. 14.

Sjáumst í kirkjunni.



Norska Tøltrider eru gæðareiðtygi á toppverði sem við höfum bæði notað sjálf og verið mjög vel tekið í búðinni hjá okkur í Svipjóð. Mest seldu hnakkarnir frá Tøltrider, Bikar, Glampi og virkislausu eru allir hjá okkur á Íslandi á góðu verði.



Meiri upplýsingar á www.tolt.nu/island
eða sími 892 8452 Sigfus

Sigfus & Josefine
Vestra-Geldingaholt





Leikholtisfréttir

Af leikskólanum Leikholti er allt gott að fréttu, hér fer fram mjög metnaðarfullt og faglegt starf.

Í starfsmannahóp Leikholtis bættist við einn starfsmaður núna í nóvember en það er hún Sigríður Ósk Jónsdóttir og við bjóðum hana velkomna til starfa.

Foreldrafélagið Leiksteinn gaf leikskólanum

hljóðasmiðjur Lubba. Í þeim er verið að æfa að mynda málhljóðin alveg rétt og tengja þau saman, klappa atkvæði, ríma, leita uppi bókstafi, raða málbeinum saman í orð, lesa orðin og svara skemmtilegum spurningum. Við þökkum foreldrafélaginu kærlega fyrir þessa kærkomnu gjöf.

Ég minni á nýja heimsíðu Leikholtis: <http://leikholt.leikskolinn.is/> og fyrir neðan má lesa fréttir og sjá myndir úr Heklu og Vörðufelli.

Bestu kveðjur.

Elín Anna leikskólastjóri.

Í Heklu eru börnin byrjuð að fara í könnunarleikinn þar sem þau eru með verðlausan efnivið sem þau skoða, uppgötva og rannsaka. Síðan erum við byrjuð að fara í göngutúra og eru börnin mjög spennt fyrir því og mjög dugleg að ganga.

Bestu kveðjur úr Heklu.

Eins og fram kom í síðasta fréttabréfi þá er stefnt að því að leikskólinn verði ART skóli.

ART verður því hluti af menningu leikskólans, sýnilegt í skólanámskrá og notað með

markvissum hætti í kennslu með tveimur elstu árgöngunum. Nú hafa fjórir kennarar farið hjá okkur á námskeið í ART og eru báðir elstu árgangarnir (2010-2011) byrjaðir í ART tímum. ART stendur fyrir Aggression Replacement Training og er þjálfun í félagsfærni, sjálfstjórn og siðferðisvitund. Rannsóknir sýna að með því að vinna markvisst og samhlíða með þessa þætti er hægt að kenna börnum og fullorðnum að temja sér betri samskipti og hegðun.



Gjöf frá foreldrafélaginu



Heklubörn í göngutúr

Í ART er sem sagt unnið kerfisbundið með: félagsfærniþjálfun, sjálfstjórnun og eflingu siðferðis. Til að byrja með eru börnin í ART tímum 3 sinnum í viku í 12 vikur og svo einn tíma í viku eftir það. ART tímarnir lita starfið í leikskólanum og verður orðræðan úr þeim lifandi í starfi leikskólans.



Lubbahópur í Listaholti



Könnunartekur í Fieku

Samstarfið milli Leikhólts og Þjórarskóla fór aftur af stað í október er Fuglahópur skólahópurinn (börn fædd 2010) í ár, og fara þau núna einu sinni í viku í heimsókn í Þjórarskóla. 1. bekkur ætlar síðan að koma í heimsókn í leikskólann einn dag í nóvember.

Kær kveðja úr Leikholti.



Fuglahópur í skólaheimsókn

TAXI DRIVER

TAXI er á svæðinu sem þjónustar
Grímnlesið, Bláskógabyggð,
Hrunamannahrepp og Skeiða- og Gnúpverjahrepp.
Með kv. TAXI DRIVER
Símar: 776 0810 & 783 1224



Frá kvenfélögunum í Flóahreppi

Veglegur kökubasar



Laugardaginn 5. desember kl. 13—17 verður haldinn
veglegur kökubasar í **Þingborg**. Þar munum við kvenfélags-
konur vera með á boðstólum margar gerðir af kökum sem
alla langar að kaupa og borða, t.d. jólasníðkökur, tertur,
lagterter, flatkökur, sultur o.fl.

Ágóðinn af basarnum verður gefinn til góðs málefnis,
sem og ágóði af innkaupapokasumnum
sem nánar verður greint frá síðar.

Kvenfélag Gaulverjabæjarhrepps,
Kvenfélag Hraungerðishrepps
Kvenfélag Villingaholtshrepps



Vissir þú að:

Ekki má henda: tannþræði, lyfjum, blautþurrkum, smokkum, dömubindum, tyggjóí, hári, bleyjum, gullfiskum, kreditkortum, leikföngum eða öðru rusli í klósettið.



Í Uppsveitum Árnessýslu er rotþró við hvert hús eða hús tengd skolpkerfi sem svo tengist við hreinsistöð sem safnar seyrunni. Sorpið sem fer í klósettið fer sömu leið og safnast þar saman og fer síðan beina leið í skólphreinsibílana sem safna saman seyrunni.

Sveitarfélögin í Uppsveitum Árnessýslu hafa sameinast um að nýta seyruna sem safnast saman til uppgræðslu á afgirtum afrétti, en þetta er gert í samvinnu við Landgræðslu Ríkisins og hefur þegar gefið góða raun.

Vandinn við þetta er allt sorpið sem berst með og **sérstaklega blautþurrkurnar** sem notaðar eru til þrifa og ýmissa annarra verka. Aðeins næst að hreinsa hluta af þessu rusli frá seyrunni og fer því hluti af ruslinu alla leið í gegn. Vegna þessa má líkja því að henda sorpi í klósettið við það að henda því á víðavangi.



Við biðlum því til ykkar að henda **engu** sorpi í klósettið en þess í stað vera með litla ruslatunnu við klósettið sem tekur við sorpinu.

Tæknisvið Uppsveita

ÁSBÚÐIN Á FLÚÐUM

ÚTSALA

ALLAR VÖRUR Í BÚÐINNI

Allt að 50% afsláttur!

Laugardagur 21. nóv.

Sunnudagur 22. nóv.

OPIÐ: Kl. 11—15

báða dagana

Getraunanúmer Ungmennafélags Gnúpverja er:



Munum það ! ☺

802

*Minningarkort Stóra-Núpskirkju fást hjá Margréti
Steinþórsdóttur í Háholti, sími 486-6017.*

*Minningarkort Ólafsvallakirkju fást hjá Guðjóni
Vigfússyni á Húsatóftum sími 896-5736.*



Verktaki fyrir Eimskip og Samskip**Brottför frá Flúðum alla virka daga: 7:00-9:00****Brottför frá Reykjavík alla virka daga:****kl 12:00 frá Landflutningum og kl 13:00 frá Flytjanda****Brottför frá Selfossi alla virka daga: 14:00**

Vöruafgreiðsla á Flúðum opin frá kl 8:00-17:00 alla virka daga.


sími: 486-1070 fax 486-6693 netfang: fludaleid@simnet.is**Símar hjá bílstjórum: 892-2370 - Pálmar****892-2371 - Grímsnes, Laugardalur og Biskupstungur.****892-2372 - Skeiða- Gnúpverja- og Hrunamannahreppur***Með kveðju.**Starfsfólk Flúðaleiðar***Velferðarþjónusta Árneshvíls í Laugarási. Sími: 480-1180 Fax: 480-1181**www.arnesthing.is

Forstöðumaður Skóla-og velferðarþjónustu Árneshvíls er María Kristjánsdóttir

maria@hveragerdi.is**Starfsmenn með aðsetur í Laugarási:**Sigurjón Árnason, félagsráðgjafi, sigurjon@laugaras.is sími 480-1180Sigrún Símonardóttir, forstöðumaður heimaþjónustu sigrun@laugaras.is**VIOLA snyrtistofa! Högnastíg 1 Flúðum****GUINOT húðvörur fyrir dömur og herra****ALESSANDRO naglalökk og gloss****Meðferðir: Andlitsbað – Húðhreinsun****Fótsnyrting — Handsnyrting –****Vaxmeðferðir - Litun og pökkun.****Tímamantanir í
síma: 856-1599****Fylgist með á****www.upplit.is**

Á bak við eldavélina

Björg Eva Erlendsdóttir, Hamarsheiði gefur okkur kraftmikla uppskrift þennan mánuð.



Fossagöngusúpa!

Dönsk kæfusúpa



Takið þrjá lambabóga og sjóðið í stórum potti með salti, pipar, lauk og lárviðarlaufum, þar til kjötið losnar alveg frá beinunum.

Með þessu skal einnig sjóða þrjá til fjóra kvisti af rósmarín og fimm heila hvítlauka og einn rauðan chilipipar, ekki of stóran. Og dálítið af engifer.

Fjarlægjið kæfubeinin og nagið ef vill.

Haldið áfram að sjóða þar til kjötið er langleiðina orðið að kæfu.

Sigtið soðið og hafið það sér.

Gætið þess að engar aukaagnir séu í soðinu og að það sé vel tært.

Takið kjötið og hreinsið úr því fitu, beinaafganga, laufblöð og aðrar grænmetisafurðir.

Berið tæra súpuna fram í djúpum skálum með grænum kryddjurtum, að eigin vali.

Berið kæfukjötið fram á sérdiski, en síðan á að bæta því út í súpuna eftir smekk hvers og eins.

Með kæfusúpu er best að borða norskt flatbrauð, eða sænskar brauð-bollur með miklu smjöri.

Og ég skora að sjálfsögðu á ráðskonuna, Guðbjörgu í Hamarsholti, sem hlýtur að sakna pottanna í Búrfelli, að nú ekki sé talað um kallana. Hún er ekki of góð til að koma með næstu uppskrift, er rétt til þess og líklegt að hún hafi bara gaman af því.

Kær kveðja.

Björg Eva.



Menn og Málefni!

Harpa Sigríður Magnúsdóttir frá Hamratungu og Unnsteinn Snorri Snorrason úr Borgarfirði eignuðust dreng þann 3. nóvember s.l. Hann var 12 merkur (3000 gr.) og 49 cm. Stóri bróðir hans er Ísak Reyrr og þau búa að Syðstu-Fossum í Borgarfirði.

Innilegar hamingjuóskir eru til fjölskyldunnar með drenginn.



Íbúar í dreifbýli

Munið að koma með slökkvitæki heimilisins til okkar í slökkvistöðina að Árvegi 1 Selfossi.

Þórarinn Magnússon, starfsmaður Slökkvitækjaþjónustunnar, mun taka á móti ykkur og skipta út tækjunum og afhenda rafhlöður í reykskynjara, ykkur að kostnaðarlausu samkvæmt þjónustusamningi við sveitarfélögin.

Nánari upplýsingar koma fram á heimasíðu BÁ, www.babubabu.is eða í síma 4-800-900.

Línudansaball í Hliðskjálfi

(félagsheimili hestamanna á Selfossi) Þann 24. nóvember n.k. verður við hjá **Dönsum** með línudansaball í **Hliðskjálfi** kl. 19:00—23:00 Allir velkomnir að taka þátt með okkur. ☺



=

Dönsum á Selfossi!

Afréttakortið, af afréttum Gnúpverja, Flóa, Skeiða og Hrunamanna. Eykur öryggi og er ódýrt, aðeins **kr. 500,-**
Gott á fjöllin fyrir útvistarfólkið og í jólapakkann... ☺

Daglegar vöruferðir í uppsveitir
Árnessýslu - Selfoss - Hveragerði - Reykjavík

Brottför frá Flúðum kl. 8.00 alla virka morgna
og frá Nesfrakt í Reykjavík kl. 12.00.

Öllum vörum keyrt heim til viðtakanda.



Hafðu samband

Héðinsgata 1 - 3, 105 Reykjavík

Sími 533-2211 - www.nesfrakt.is

Beint samband í flutningabíl 773-1626

Nesfrakt

Flutningaþjónusta Unnars



Sími: 856 1580 • Netfang: vondull@simnet.is

GIANT - liðléttingar



GIANT - D337T

- Hátt og lágt drif
- Ökuhraði allt að 25 km
- Sjálfvirk driflæsing á báðum öxlum
- Mikil lyftigeta
- Afmíkl
- Stöðugur
- Úrval aukahluta

Vél:	Kubota D1105-T
	33 HP/24 kW
Lyftigeta:	1450 kg
Aksturshraði:	0-10 / 0-25 km

- Aukabúnaður:**
- Niðurfellanlegt öryggishús
 - Hátt og lágt drif
 - 0-10 km/h 0-25 km/h
 - Vinnuljós að framan
 - 90 kg. þynging með dráttartengi



GIANT - D254SW

Giant D254SW er þægilegur og lipur liðléttingur sem er með mikla lyftigetu miðað við stærð en hann getur nánast lyft eigin þyngd.

- Ökuhraði allt að 15 km
- Mikil lyftigeta miðað við stærð
- Afmíkl
- Stöðugur
- Úrval aukahluta

Vél:	Kubota D902
	24 HP/17,5 kW
Lyftigeta:	1000 kg
Aksturshraði:	0-15 km

- Aukabúnaður:**
- Dekkjastærð: 23x8.5-12 AS eða 23x10.5-12 AS
 - Vinnuljós að framan
 - Þynging með dráttartengi

Heyrúlluskeri plast- og netskrælari



Sterkur - Öflugur - Léttur

Cashels heyrrúlluskerinn sker rúlluna um leið og hann grípur plastið og netið utanaf rúllunni.

Skerinn er mjög sterkbyggður, hann er léttari en aðrir sambærilegir skerar. Skerinn er með öflugra tjakka sem eiga auðvelt með að skera í gegnum frostnar rúllur.



Mustad skeifur, hóffjaðir og verkfæri fyrir hestamanninn og hestinn

Erum einnig með gömlu göðu Helluskeifurnar



Brynningarskálar - Vatnskör



Hitaþræðir

Hitaþræðir með innbyggðum hitanema Kveikir á sér við +3°C slökkur á sér þegar hitastigið fer í +10°C Fæst í ýmsum lengdum.



Gunnbjarnarholti,
801 Selfoss
Sími 480 5600

Opnun sundlauga í Skeiða –og Gnúpverjahreppi

Neslaug S: 486-6117 Skeiðalaug S: 486 5500



Vetraropnun frá 1. sept.— 1. desember 2015

Neslaug

Miðvikudaga: 18 — 22

Laugardaga: 13 — 18

Skeiðalaug

Mánudaga: 18 — 22

Fimmtudaga: 18 — 22

Opnun sundlauga frá 1. des.

NESLAUG LOKUÐ

SKEIÐALAUG Opin:

Fimmtudaga: 18 — 22

Skeiðalaug 40 ára 15. nóv.

Á bls. 2 er pistill um það sem fram-
undan er í Skeiðalaug vegna 40 ára afmælisins. En í nóvember verða myndir um byggingarsögu laugarinnar sýndar á skjávarpa í afgreiðslunni á opnunartímum, mánudaga kl.18-22, og fimmtudaga kl.18-22. Þessi kvöld verður einnig boðið upp á kaffiveitingar.

Vil ég hvetja alla til að mæta þá í Skeiðalaug, kíkja í pottinn og gufuna, eða taka góðan sundsprett, skoða myndirnar og þiggja veitingar.

Með afmælistveðju.

Eypór Brynjólfsson

Umsjónarmaður Skeiðalaugar.

Vörur tengdar sundi seldar í afgreiðslum lauganna.

Hætt er að selja ofan í hálf tíma fyrir lokun.

Aðeins er 10 mínútna akstur á milli lauganna.

Frítt fyrir 70 ára og eldri.

Frítt fyrir öryrkja gegn framvísun skírteinis.

Neslaug og Skeiðalaug eru á 

Fylgist með þar ☺

Frítt í sund fyrir 18 ára og yngri sem eiga lögheimili í sveitarfélaginu.

